

**АТБ «InFinBank»
Бошқарув Раиси**

Б.Н. Бурханов

Ф.И.Ш.

Имзо

сана

(АТБ «InFinBank» ининг
2020 йил 22 январ 6 – сонли байномаси)
Рүйх. № 77-62 22 январ 2020йил



**ЧЕТ ЭЛ КАПИТАЛИ ИШТИРОКИДАГИ
«INVEST FINANCE BANK»
АКЦИЯДОРЛИК ТИЖОРАТ БАНКИДА
ЖИСМОНИЙ ВА ЮРИДИК ШАХСЛАРНИНГ
МУРОЖААТЛАРИНИ КҮРИБ ЧИҚИШ ТАРТИБИ**

ТП № 62

Хужжат АТБ «InFinBank» нинг мулки хисобланади. Ушбу хужжатнинг мазмуни бутунлай ёки қисман такрорланмайди ёки Сифат бўйича раҳбариятнинг вакили билан олдиндан келишмасдан, банк ходимлари бўлмаган учинчи шахсларга берилмайди. Ҳар кандай ўзгаришлар асл нусхага ва факат ушбу хужжатнинг назорат қилинган нусхаларига киритилади.

Нашр №1 Тасдиқланган: 22/01/2020 Амал килади: 21/01/2025 бет 2

Мундарижа

Ўзгартиришларни қайд этиш вараги	3
1. Тартибнинг мақсади	4
2. Тартибнинг кўлланиши	
3. Тартибни ишлаб чиқишига асос	
4. Атама ва жумлалар	
5. Жавобгарлик	5
6. Жисмоний ва юридик шахсларнинг мурожаатлари билан ишлашни ташкиллаштириш, кўриб чиқиши тартиби ва муддатлари	6
7. Сакланиши	17
8. Хулоса	17
9. Илова	
10. Тарқатиш.....	18

Нашр №1

Тасдиқланди: 22/01/2020Амал килади: 21/01/2025

бет 3

Ўзгартиришларни қайд этиш вараги

Ўзгартириш рақами	Ўзгартириш мазмуни	Тасдиқланди	Амалга киритилди	Хужжатни бошқаришга жавобгар шахс

Нашр №1

Тасдиқланди: 22.01.2020

Амал қилади: 21.01.2025

бет 4

1. Тартибининг мақсади

1.1. Ушбу Тартиб АТБ «InFinBank» (кейинги матнда – Банк) ва унинг мансабдор шахсларига жисмоний ва юридик шахсларнинг мурожаатлари (кейинчалик матнда - мурожаатлар деб юритилади) юзасидан келиб чиқадиган муносабатларни тартибга солади.

2. Тартибининг қўлланиши

2.1. Ушбу Тартиб талаблари банк тизимида жисмоний ва юридик шахсларнинг банкка оғзаки, ёзма ёхуд электрон шаклда қилган мурожаатлари (ариза, таклиф, шикоят), шунингдек, Ўзбекистон Республикаси Президентининг Халқ қабулхоналари ва Виртуал қабулхонаси, Ўзбекистон Республикаси Бош прокуратураси “Ишонч телефони” ҳамда бошқа давлат органлари муассасалари ва ташкилотлари орқали келиб тушадиган мурожаатларни қабул килиш, расмийлаштириш ва кўриб чиқишида иштирок этувчи барча Бош офиснинг Департамент/бўлинма/бўлим ва филиалларга тадбик этилади.

3. Тартибни ишлаб чиқишига асос

3.1. Мазкур Тартиб Ўзбекистон Республикасининг Конституцияси, «Жисмоний ва юридик шахсларнинг мурожаатлари тўғрисида»ги, «Банклар ва банк фаолияти тўғрисида»ги Конунлари ҳамда Ўзбекистон Республикаси амалдаги қонунлари ва норматив – хукукий хужжатларига мувофиқ ишлаб чиқилган.

3.2. Мурожаатларни кўриб чиқишининг асосий принциплари қўйидагилардан иборат:

- конунийлик;
- мурожаатларни ўз вақтида ва тўлиқ кўриб чиқиш;
- мурожаатларга нисбатан талабларнинг бир хиллиги;
- жисмоний ва юридик шахсларнинг хукуқлари, эркинликлари ва қонуний манфаатларига риоя этилиши;
- мурожаатларни кўриб чиқиша бюрократизм ва сансалорликка йўл қўйилмаслиги;
- мурожаатларни кўриб чиқиша давлат органлари, ташкилотлар ва улар мансабдор шахслари фаолиятининг шаффоғлиги.

4. Атама ва жумлалар

4.1. Ушбу Тартибда қўйидаги асосий тушунчалар қўлланилади:

банк - АТБ «InFinBank» ва унинг филиаллари;

банк раҳбарияти - АТБ "InFinBank" Бошқаруви Раиси, унинг ўринbosарлари, Бошқарув аъзолари, филиал бошқарувчилари ва уларнинг ўринbosарлари ва ваколат берилган бошқа шахслар.

ариза – хукукларни, эркинликларни ва қонуний манфаатларни амалга оширишда ёрдам кўрсатиш тўғрисидаги илтимос баён этилган мурожаат;

таклиф – Банк хизматларини такомиллаштиришга доир тавсияларни ўз ичига олган мурожаат;

Нашр №1

Тасдиқланди: 22.01.2020

Амал килади: 21.01.2025

бет 5

шикоят – бузилган хукукларни, эркинликларни тиклаш ва қонуний манфаатларни химоя қилиш түғрисидаги талаб баён этилган мурожаат;

аноним мурожаат – жисмоний шахснинг фамилияси (исми, отасининг исми), унинг яшаш жойи түғрисидаги маълумотлар ёки юридик шахснинг тўлиқ номи, унинг жойлашган жойи (почта манзили) түғрисидаги маълумотлар кўрсатилмаган ёхуд улар хақида ёлғон маълумотлар кўрсатилган мурожаат, шунингдек уни идентификация қилиш имкониятини бермайдиган электрон мурожаат ёхуд имзо билан тасдиқланмаган ёзма мурожаат;

мурожаатнинг дубликати – айнан бир жисмоний ёки юридик шахснинг мурожаати нусхаси;

такрорий мурожаат – аввалги мурожаатлар бўйича қабул қилинган қарор юзасидан шикоят қилинган ёки бошқача тарзда норозилик билдирилган, шунингдек, агар такрорий мурожаат келиб тушган пайтда кўриб чиқишнинг қонун хужжатларида белгиланган муддати тугаган бўлса, аввалги мурожаат ўз вақтида кўриб чиқилмаганлиги хақида хабар қилинган, айнан бир жисмоний ёки юридик шахсдан келиб тушган мурожаат;

электрон мурожаат – белгиланган тартибда ахборот-коммуникация технологиялари воситасида берилган, шу жумладан давлат органининг, ташкилотнинг расмий веб-сайтига жойлаштирилган мурожаат, реал вақт режимида ахборот-коммуникация технологияларидан фойдаланган ҳолда берилган оғзаки мурожаатлар бундан мустасно;

оммавий қабул – Банк раҳбариятининг жисмоний шахслар ва юридик шахсларнинг вакиллари билан оммавий учрашувларида мурожаатларни қабул қилишга доир ҳаракати;

видеоконференцалоқа – узоқда жойлашган бир нечта абонентларнинг реал вақт режимида аудио- ва видеоахборот алмашиш имконияти билан ахборот-коммуникация технологияларидан фойдаланган ҳолда интерактив ҳамкорлик қилиши.

5. Жавобгарлик

5.1. Ушбу Тартиб талабларига риоя этишини таъминлаш учун жавобгарлик Банк раҳбарияти, мурожаатлар билан ишлаш бўлимлар ва/ёки масъул ходим ва банкнинг таркибий бўлинмаларининг раҳбарларига юкланди.

6. Жисмоний ва юридик шахсларнинг мурожаатлари билан ишлашни ташкиллаштириш

6.1. Мурожаатлар билан ишлашни ташкиллаштириш

6.1.1. Банкда жисмоний ва юридик шахсларнинг мурожаатлари билан ишлаш ушбу Тартибининг 1 – иловасида келтирилган «АТБ «InFinBank» »га мувофиқ схемага биноан амалга оширилади.

6.1.2. Жисмоний ва юридик шахсларнинг мурожаатлари билан ишлаш бўлими ва/ёки масъул ходим (кейинги матнда – Бўлим) мурожаатларнинг кўриб чиқилишини назорат қилиш масалаларида бевосита Котибият Департаментига бўйсунади.

6.1.3. Бўлим:

таркибий бўлинмалар томонидан мурожаатлар кўриб чиқилишини доимий назорат қиласи ва унинг мониторингини олиб боради, уларнинг ўз вақтида ва зарур тарзда кўриб чиқилишини таъминлаш чора-тадбирларини кўради;

мурожаатларни кўриб чиқиш муддатлари ва тартиби таркибий бўлинмалар томонидан бузилиши түғрисида Банк раҳбарини дарҳол хабардор қиласи;

Нашр №1

Тасдиқланти: 22/01/2020

Амал килади: 21/01/2025

бет 6

мониторинг натижалари бўйича ҳар ойда Банк раҳбарига мурожаатлар кўриб чиқилишининг ҳолати тўғрисидаги ахборотни, зарурият бўлганда, мавжуд камчиликларни бартараф этиш, мурожаатлар тўғрисидаги қонун хужжатлари бузилишига йўл кўйган масъул ходимларга нисбатан жавобгарлик чораларини кўриш юзасидан тегишли таклифлар билан биргаликда тақдим этади.

6.1.4. Мурожаатлар оғзаки, ёзма ёхуд электрон шаклда бўлиши мумкин. Аризалар, таклифлар ва шикоятлар мурожаатларнинг турлари ҳисобланади.

Мурожаатлар, уларнинг шакли ва туридан қатъи назар, бир хил аҳамиятга эга бўлади.

Банқда ташкил этилган ягона “Ишонч телефоны” орқали келиб тушган мурожаатлар оғзаки мурожаат сифатида мазкур Тартибда белгиланган тартибда қайд этилади, рўйхатга олинади ва кўриб чиқилади.

Банк расмий веб-сайти орқали ёки расмий электрон почта манзилига келиб тушган мурожаатлар электрон мурожаатлар тарзида қайд этилади ва ушбу Тартибда белгиланган тартибда кўриб чиқилади.

Ўзбекистон Республикаси Президентининг Виртуал қабулхонаси орқали келиб тушган мурожаатлар электрон мурожаатлар тарзида қайд этилади ушбу Тартибда белгиланган тартибда кўриб чиқилади.

Ўзбекистон Республикаси Бош вазирнинг Виртуал қабулхонаси орқали келиб тушган мурожаатлар электрон мурожаатлар тарзида қайд этилади ушбу Тартибда белгиланган тартибда кўриб чиқилади.

Шунингдек, бошқа манбалардан келиб тушган мурожаатлар ушбу Тартибда ва қонунчиликда назарда тутилган тартибда ва муддатларда кўриб чиқилади.

Мурожаатлар давлат тилида ва бошқа тилларда берилиши мумкин.

6.2. Жисмоний ва юридик шахсларнинг мурожаат этиш ҳуқуқлари кафолатлари

6.2.1. Жисмоний ва юридик шахслар Банкка якка тартибда ёки жамоа бўлиб мурожаат этиш ҳуқуқига эга.

Мурожаат этиш ҳуқуқи ихтиёрий амалга оширилади. Ҳеч ким бирон-бир мурожаатни ҳимоя қилишга ёхуд унга қарши қаратилган ҳаракатларда иштирок этишга мажбур қилиниши мумкин эмас.

Мурожаат этиш ҳуқуқининг амалга оширилиши бошқа жисмоний ва юридик шахсларнинг ҳуқуқларини, эркинликларини ҳамда қонуний манфаатларини, шунингдек жамият ва давлат манфаатларини бузмаслиги керак.

Хорижий давлатларнинг жисмоний ва юридик шахслари, фуқаролиги бўлмаган шахслар Банкка ушбу Тартибга мувофиқ мурожаат этиш ҳуқуқига эга.

6.2.2. Мурожаат этиш ҳуқуқидан фойдаланилаётганда жисмоний шахснинг жинси, ирқи, миллати, тили, дини, ижтимоий келиб чиқиши, эътиқоди, шахсий ва ижтимоий мавқеига, шунингдек юридик шахсларнинг мулк шакли, жойлашган ери (почта манзили), ташкилий-ҳуқукий шаклларига ва бошқа ҳолатларига қараб камситишга йўл қўйилмайди.

6.2.3. Банк томонидан мурожаатларни кўриб чиқишида Ўзбекистон Республикасининг Конституцияси ҳамда қонунлари талабларига риоя этилиши, уларнинг тўлиқ, холисона ва ўз вактида кўриб чиқилиши учун чоралар кўриши, жисмоний ва юридик шахсларнинг бузилган ҳуқуқлари, эркинликлари тикланишини ҳамда қонуний манфаатлари ҳимоя қилинишини таъминлаш бўйича ўз ваколатлари доирасида чоралар кўриши шарт.

6.2.4. Мурожаатлар Банк томонидан қабул қилиниши ва кўриб чиқилиши шарт, ушбу Тартибнинг 6.5.-бобида назарда тутилган ҳоллар бундан мустасно.

6.2.5. Мурожаатларни кўриб чиқишида жисмоний шахсларнинг шахсий ҳаёти, юридик шахсларнинг фаолияти тўғрисидаги маълумотлар уларнинг розилигисиз, шунингдек давлат

Нашр №1 Тасдикланди: 22/01/2020 Амал килади: 21/01/2025 бет 7

сирини ёхуд қонун билан қўриқланадиган бошқа сирни ташкил этувчи маълумотларнинг ва, агар бу жисмоний ва юридик шахсларнинг ҳуқуqlари, эркинликлари ҳамда қонуний манфаатларини камситадиган бўлса, бошқа ахборотнинг Банк ходимлари томонидан ошкор этилишига йўл қўйилмайди.

Жисмоний ва юридик шахс тўғрисидаги, мурожаатга тааллуқли бўлмаган маълумотларни аниқлашга йўл қўйилмайди.

Жисмоний шахснинг илтимосига кўра унинг шахсига доир бирон-бир маълумот ошкор этилмаслиги керак.

6.2.6. Жисмоний шахсни, унинг вакилини, уларнинг оила аъзоларини, юридик шахсни, унинг вакилини ва юридик шахс вакилининг оила аъзоларини улар ўз ҳуқуqlари, эркинликлари ҳамда қонуний манфаатларини рўёбга чиқариш ёки ҳимоя қилиш мақсадида Банкка ва уларнинг мансабдор шахсларига мурожаат этганлиги, шунингдек мурожаатларда ўз фикрини билдирганлиги ва танқид қилганлиги муносабати билан таъкиб этилади.

6.3. Мурожаатларни бериш ва уларни кўриб чиқиши тартиби

6.3.1. Жисмоний ва юридик шахслар мурожаатни мустақил равишда беришга, шунингдек бу борадаги ваколатни ўз вакилига беришга ёхуд мурожаатни почта алоқаси воситалари орқали ёки электрон шаклда юборишга ҳақли.

Вояга етмаганлар, муомалага лаёқатсиз ва муомала лаёқати чекланган шахсларнинг манфаатларини кўзлаб мурожаатлар уларнинг қонуний вакиллари томонидан қонун хужжатларида назарда тутилган тартибда берилиши мумкин.

6.3.2. Жисмоний шахснинг мурожаатида жисмоний шахснинг фамилияси (исми, отасининг исми), унинг яшаш жойи тўғрисидаги маълумотлар кўрсатилган бўлиши керак.

Юридик шахснинг мурожаатида юридик шахснинг тўлиқ номи, унинг жойлашган ери (почта манзили) тўғрисидаги маълумотлар кўрсатилган бўлиши керак.

Жисмоний ва юридик шахснинг мурожаатида Банкнинг аниқ номи, мурожаат юборилаётган мансабдор шахснинг лавозими ва (ёки) фамилияси (исми, отасининг исми) кўрсатилган, шунингдек мурожаатнинг моҳияти баён этилган бўлиши керак.

Мурожаатларда мурожаат этувчиларнинг электрон почта манзили, алоқа телефонлари ва факслари рақамлари кўрсатилиши мумкин.

Мурожаат этувчиларнинг вакиллари орқали берилган мурожаатларга уларнинг ваколатларини тасдикловчи хужжатлар илова қилинади.

6.3.3. Мурожаатга у бўйича илгари қабул қилинган мавжуд қарорлар ёки уларнинг нусхалари, шунингдек уни кўриб чиқиши учун зарур бўлган бошқа хужжатлар илова қилиниши мумкин, мазкур хужжатлар қайтарilmайдi, мурожаат этувчи уларни қайtariш ҳақида ёзма ариза берган ҳоллар бундан мустасно.

Кўрсатиб ўтилган хужжатлар мурожаат тааллуқлилиги бўйича бошқа давлат органига, ташкилотга ёки уларнинг мансабдор шахсига юборилганда мурожаатга илова қилиниши керак.

6.3.4. Мурожаат почта алоқа воситаси орқали конвертда келиб тушганда конвертда мурожаат ва унга иловалар мавжудлиги текширилади.

Конвертда мурожаат мавжуд бўлмаса ёки у шикастланган бўлса, шунингдек мурожаатда кўрсатилган иловалар мавжуд бўлмаса, далолатнома тузилиб, унинг бир нусхаси мурожаат этувчига конвертда кўрсатилган манзил бўйича юборилади.

Келиб тушган мурожаатлар конвертлари мурожаат этувчининг манзилини, мурожаатнинг жўнатилган ва олинган вақтни аниқлаш учун сақлаб қолиниши мумкин.

6.3.5. Ёзма мурожаатда мурожаат этувчи жисмоний шахснинг имзоси ёки мурожаат этувчи юридик шахс ваколатли шахсининг имзоси билан тасдиқланган бўлиши лозим.

Жисмоний шахснинг ёзма мурожаатини мурожаат этувчининг имзоси билан тасдиқлаш

Нашр №1 Тасдиқланди: 22/01/2020 Амал килади: 21/01/2025 бет 8

имкони бўлмаган тақдирда, бу мурожаат уни ёзib берган шахснинг имзоси билан тасдиқланиб, унинг фамилияси (исми, отасининг исми) ҳам қўшимча равишда ёзib қўйилиши керак.

6.3.6. Мурожаатларни бериш муддатлари, қоида тариқасида, белгиланмайди.

Айрим ҳолларда, агар Банк мурожаатни кўриб чиқиши бўйича имкониятларига, жисмоний ва юридик шахсларнинг ҳуқуклари, эркинликлари ҳамда қонуний манфаатларини ўз вактида амалга ошириш ва ҳимоя қилишни таъминлаш заруратига боғлик бўлса, шунингдек қонунларда назарда тутилган бошқа асосларга кўра мурожаатни бериш муддати белгиланиши мумкин.

Бўйсунув тартибида юқори турувчи органга ариза ёки шикоят жисмоний ёки юридик шахсга унинг ҳуқуклари, эркинликлари ҳамда қонуний манфаатларини бузувчи ҳаракат (ҳаракатсизлик) содир этилганлиги ёхуд қарор қабул қилинганлиги маълум бўлган пайтдан эътиборан узоғи билан бир йилдан кечиктирмай берилади.

Ариза ёки шикоят беришнинг узрли сабабга кўра ўтказиб юборилган муддати аризани ёки шикоятни Банк раҳбари ёки уларнинг ваколат берилган мансабдор шахси томонидан тикланади.

6.3.7. Жисмоний ва юридик шахслар ўз мурожаатини у кўриб чиқилгунига қадар ва кўриб чиқилаётган пайтда мурожаат бўйича қарор қабул қилингунига қадар ёзма ёки электрон шаклда ариза бериш йўли билан чакириб олиш ҳуқуқига эга. Бундай ариза тушган тақдирда мурожаатни кўриб чиқиши тўхтатилади ва уч кун мобайнида мурожаат Банкнинг хати билан мурожаат килувчига қайтарилади.

Мурожаатни чақириб олиш тўғрисидаги ариза Банк томонидан қонун бузилишларини аниқлаш ва бартараф этиш юзасидан чора-тадбирлар кўрилишини истисно этмайди.

6.4. Мурожаатларни кўриб чиқиши тартиби ва муддатлари

6.4.1. Ёзма ва электрон (қоғозга босиб чиқарилган) мурожаатлар мурожаатларни рўйхатга олиш журналига тегишли ёзувларни киритиш, ушбу Тартибнинг 2 – иловасига мувофиқ Жисмоний ва юридик шахсларнинг мурожаатларини қайд этиш карточкасини тўлдириш ва мурожаатнинг биринчи саҳифаси қўйи ўнг қисмида рўйхатга олиш штампини қўйиш йўли билан Бўлимда рўйхатга олинади.

Мурожаатлар ёзма ёки электрон тарзда рўйхатга олиниши мумкин.

Мурожаатларни рўйхатга олиш журналида мурожаатнинг тартиб рақами, мурожаат килган жисмоний шахснинг фамилияси (исми ва отасининг исми), унинг яшаш жойи, юридик шахснинг номи, унинг жойлашган жойи, мурожаатнинг қисқача мазмуни, мурожаат қабул қилинган сана, дубликат ёки мурожаатларнинг тақрорийлиги, назоратга олинганлиги тўғрисидаги белги, ижрочи этиб белгиланган Банк таркибий бўлинмаси номи ва/ёки ходдимнинг Фамилияси (исми ва отасининг исми), сана кўрсатилган ҳолда ижро этиш тўғрисидаги белги кўрсатилади.

Қайд этиш штампида Банкнинг расмий номи (қисқартирилган номи ёки қисқартма кўрсатилиши мумкин), мурожаатнинг келиб тушган санаси ва қайд рақами кўрсатилади.

Мурожаатларнинг тартиб рақамлари ҳар йил бошидан янгидан хисобланади.

6.4.2. Жисмоний шахслар ва юридик шахсларнинг вакиллари Банкка оғзаки мурожаат этишганда улар томонидан тақдим қилинган ёзма мурожаатлар ҳамда бошқа материаллар қабул қилиниши ва ушбу Тартибнинг 6.4.1. – бандига мувофиқ тўлдирилган Жисмоний ва юридик шахсларнинг мурожаатларини қайд этиш карточкасига илова қилиниши керак.

Рўйхатга олинган мурожаатлар келиб тушган пайтидан бошлаб бир иш кунидан кечикмай Банк раҳбариятига киритилади, масъул таркибий бўлинмани ва/ёки ходимни белгилаган ҳолда мурожаатни кўриб чиқиши бўйича резолюцияни (топшириқномани) кўяди.

Резолюция (топшириқнома) кўйилган пайтдан бошлаб бир иш куни мобайнида Бўлим

Нашр №1

Тасдиқланди: 22 / 01 / 2020

Амал қилади: 21 / 01 / 2025

бет 9

мурожаатни ижро этувчи сифатида белгиланган таркибий бўлинма ва/ёки ходимга имзо кўйдирган ҳолда беради. Бунда ижрочи этиб белгиланган таркибий бўлинма ва/ёки ходим томонидан ижро этиш тўғрисидаги белги кўйилади.

6.4.3. Банкка келиб тушган мурожаатлар Банк иш юритувига қабул қилиниши, филиалларга юборилиши ёки тегишлилиги бўйича бошқа давлат органига, ташкилотга юборилиши мумкин.

6.4.4. Агар мурожаатда бир нечта таркибий бўлинмага тегишли масалалар мавжуд бўлса, уларнинг барчаси мурожаатни кўриб чиқиши бўйича ижро этувчилар этиб белгиланади. Ижро этувчилар орасида биринчи бўлиб кўрсатилган таркибий бўлинма бошқа таркибий бўлинмалар билан биргаликда мурожаат кўриб чиқилишини таъминлайди.

6.4.5. Агар мурожаатни кўриб чиқиши жараённида мурожаатнинг дубликати келиб тушса, ушбу мурожаат аввал тушган мурожаат билан биргаликда кўриб чиқилади ҳамда натижаси бўйича ягона жавоб берилади.

Агар мурожаатнинг дубликати мурожаат кўриб чиқилганидан ва жавоб юборилганидан кейин келиб тушса, бу ҳақда Банкнинг мурожаатни кўриб чиқишига масъул бўлган тегишли таркибий бўлинма ва/ёки ходим мурожаат этувчини ёзма тартибда хабардор қиласи.

6.4.6. Агар мурожаатда ўргага кўйилган масалалар хўжалик юритувчи субъектлар фаолиятига дахлдор бўлса, уларнинг вакиллари мурожаатни кўриб чиқишида иштирок этиш учун Банк томонидан ўз ваколатлари доирасида жалб этилади.

Зарур ҳолларда мурожаатларни кўриб чиқиши учун Банк томонидан тегишли мутахассислар жалб этилиши мумкин.

6.4.7. Кўйилган масалаларни ҳал этиш ўзининг ваколати доирасига кирмайдиган Банкка келиб тушган мурожаатлар беш кун муддатдан кечиктирмай Банк раҳбарияти томонидан имзоланган хат билан тегишли органларга юборилади, бу ҳақда мурожаат қилувчига ёзма ёхуд электрон шаклда хабар қилинади.

Мурожаатни кўриб чиқиши учун асоссиз равишда бошқа давлат органларига, ташкилотларига ўтказиш ёхуд қарорлари ёки ҳаракатлари (ҳаракатсизлиги) устидан шикоят қилинаётган органларга ёки мансабдор шахсларга юбориш тақиқланади.

Агар мурожаатларда уларни тегишли органларга юбориш учун зарур бўлган маълумотлар мавжуд бўлмаса, у ҳолда улар беш кун муддатдан кечиктирмай асослантирилган тушунтириш билан мурожаат қилувчиларга қайтарилади.

6.4.8. Мурожаатни кўриб чиқаётган Банк раҳбарияти ўз ташаббусига кўра ёхуд мурожаат этувчининг илтимосига кўра уни эшитишни ташкил этиши мумкин.

Банк раҳбарияти мурожаат этувчига мурожаатда кўтарилиган масалалар бўйича ўз фикрини билдириш ва мурожаат бўйича қўшимча ахборот тақдим этиш имкониятини беради.

Зарур ҳолларда мурожаат этувчини эшитишга эксперталарни, мутахассисларни ва манфаатдор ташкилотларнинг вакилларини жалб этиши мумкин.

6.4.9. Агар мурожаатда жойнинг ўзида ўрганишни талаб этувчи ҳолат баён қилинган бўлса, шунингдек бошқа зарур ҳолларда мурожаатни кўриб чиқишини Банк мурожаатни жойнинг ўзида кўриб чиқишини таъминлаши мумкин. Мурожаатни жойнинг ўзида кўриб чиқиши Банк раҳбариятининг топшириғи ёки унинг розилиги билан амалга оширилади.

6.4.10. Мурожаат мурожаат қилган ёки бошқа шахснинг иштирокисиз кўриб чиқишининг имконияти бўлмаганда, улар Банк раҳбари томонидан чакирилиши мумкин. Чакирилган мурожаат қилувчи келмаган тақдирда мурожаатни унинг иштирокисиз кўриб чиқиши мумкин эмаслиги тўғрисида мурожаатчига жавоб юборилади.

6.4.11. Мурожаатлар билан ишлаш муддатлари улар Банкка келиб тушган кундан бошлаб ҳисобланади. Агар тегишли муддатнинг охирги куни дам олиш ва байрам кунларига тўғри келса, навбатдаги иш куни муддат тугайдиган кун ҳисобланади.

Электрон мурожаатлар тушган кунида қофозга босиб чиқарилиши, иш вақти тамом бўлгандан кейин тушган тақдирда эса — навбатдаги иш кунида қофозга босиб чиқарилиши

Нашр №1

Тасдиқланган: 22.01.2020

Амал қилади: 21.01.2025

бет 10

керак.

Мурожаатни рўйхатдан ўтказишни рад этишга йўл қўйилмайди.

Банк раҳбариятига оммавий қабуллар вақтида тушган ва жойида ҳал этилган оғзаки мурожаатларни рўйхатдан ўтказиш талаб қилинмайди. Бунда жисмоний шахснинг ёки юридик шахс вакилининг фамилияси (исми, отасининг исми), унинг яшаш жойи тўғрисидаги маълумотлар, мурожаатнинг қисқача мазмuni, шунингдек уни кўриб чиқиш натижаси оммавий қабул баённомасида кўрсатилади.

6.4.12. Мурожаат масалани мазмuni бўйича ҳал этиши шарт бўлган Банкка келиб тушган кундан эътиборан ўн беш кун мобайнида, қўшимча ўрганиш ва (ёки) текшириш, қўшимча хужжатларни сўраб олиш талаб этилганда эса бир ойгача бўлган муддатда кўриб чиқилади.

Мурожаатларни кўриб чиқиш учун текшириш ўтказиш, қўшимча материалларни сўраб олиш ёхуд бошқа чора-тадбирлар кўриш зарур бўлган ҳолларда, уларни кўриб чиқиш муддатлари Банк раҳбарияти томонидан, истисно тариқасида, қўпи билан бир ойга узайтирилиши мумкин, бу ҳақда мурожаат этувчига хабар қилинади.

6.4.13. Таклиф Банкка келиб тушган кундан эътиборан бир ойгача бўлган муддатда кўриб чиқилади, қўшимча ўрганишни талаб этадиган таклифлар бундан мустасно, бу ҳақда таклифни киритган жисмоний ёки юридик шахсга ўн кун муддатда ёзма шаклда хабар қилинади.

6.4.14. Айрим ҳолларда Банк раҳбарияти мурожаатларни кўриб чиқиш муддатларини қисқартиришлари мумкин.

6.4.15. Мурожаатларни кўриб чиқиш натижалари бўйича Банк раҳбарияти томонидан тегишли қарор қабул қилинади, бу ҳақда дарҳол ёзма ёхуд электрон шаклда мурожаат қилувчига хабар берилади.

Мурожаатни қониқтирмаслик тўғрисидаги қарорни Банк раҳбарияти қабул қиласди.

Мурожаатга жавоб хатида мурожаатда кўрсатилган ҳар бир масала бўйича важларни рад этувчи ёки тасдиқловчи аниқ асослар (заруриятга қараб қонунчилик нормаларига ҳаволалар қилинган ҳолда) бўлиши керак.

6.4.16. Мурожаатга жавоб хати Банк раҳбарияти томонидан имзоланади.

Мурожаатларга жавоб хати, мумкин қадар, мурожаат этилган тилда баён қилинади.

6.4.17. Жисмоний ёки юридик шахслар жамоа бўлиб мурожаат қилган тақдирда, уларнинг мурожаатлари Қонун талаблари ва мазкур Тартибга мувофиқ кўриб чиқилади. Бунда мурожаатга жавоб мурожаат қилганларнинг рўйхатида биринчи бўлиб кўрсатилган шахсга ёки, уларнинг талабига кўра, бошқа шахсга юборилади.

6.4.18. Мурожаат этувчининг мурожаатга жавобни тушунтириш ва уни тузатиш тўғрисидаги илтимоси у келиб тушган кундан эътиборан ўн кун ичida кўриб чиқилади.

6.4.19. Мурожаат, унда кўтарилиган барча масалалар қонунчилик талабларига мувофиқ кўриб чиқилган ва мурожаат қилувчига тегишли жавоб юборилган тақдирда кўриб чиқилган хисобланади.

Мурожаат этувчига жавоб юборилган кун мурожаатни кўриб чиқиш тугалланган кун хисобланади, бу ҳақда Бўлим мурожаатларни рўйхатга олиш журналига ва ҳисобга олиш карточкасига белги қўяди.

6.4.20. Давлат органининг назоратида турган мурожаатлар бўйича мурожаат этувчига юборилган жавоб хатининг нусхасини илова қилган ҳолда мурожаатни кўриб чиқиш натижалари тўғрисида давлат органига ёзма шаклда хабар берилади.

6.5. Мурожаатларни кўрмай қолдириш ва кўриб чиқишни тугатиш

6.5.1. Куйидаги мурожаатлар кўриб чиқилмайди:
аноним мурожаатлар;

Нашр №1 Тасдиқланди 22.01.2020 Амал килади: 21.01.2025 бет 11

жисмоний ва юридик шахсларнинг вакиллари орқали берилган мурожаатлар, уларнинг ваколатини тасдиқловчи хужжатлар мавжуд бўлмаган тақдирда;

қонунчиликда белгиланган бошқа талабларга мувофиқ бўлмаган мурожаатлар.

6.5.2. Мурожаатни аноним деб эътироф этиш ижро этувчи томонидан амалга оширилади.

Мурожаат аноним деб эътироф этилганда бу ҳақда хulosса тузилади. Хulosада мурожаатни аноним деб эътироф этиш учун асослар кўрсатилади. Мурожаатни аноним деб эътироф этиш тўғрисидаги хulosса банк раҳбарияти томонидан тасдиқланади.

Банк тизимида ташкил этилган ягона “Ишонч телефони”га тушган мурожаатлар Конунда назарда тутилган тартибда аноним деб эътироф этилиши мумкин.

Аноним деб эътироф этилган мурожаатлар хulosса тасдиқланган пайтдан бошлаб назоратдан ёки ижродан олинади ва кўриб чиқилмайди.

6.5.3. Жисмоний ва юридик шахсларнинг вакиллари орқали берилган мурожаатлар келиб тушганда, Бўлим уларнинг ваколатларини тасдиқлайдиган хужжатлар мавжудлигини текширади.

Агар мурожаатда жисмоний ва юридик шахс вакилининг ваколатларини тасдиқлайдиган хужжатлар мавжуд бўлмаса, банк раҳбарияти томонидан тасдиқланадиган хulosса тузилади.

Жисмоний ва юридик шахс вакилининг ваколатларини тасдиқлайдиган хужжатлар мавжуд эмаслиги тўғрисидаги хulosса тасдиқланган пайтдан бошлаб ушбу мурожаат кўриб чиқилмайди, бу ҳақда мурожаат қилувчи ёзма равишда хабардор қилинади.

6.5.4. Мурожаатлар кўрмай қолдирилганда тегишли хulosса тузилади, у Банк раҳбарияти томонидан тасдиқланади.

Жисмоний ва юридик шахс вакилининг ваколатини тасдиқловчи хужжатлар мавжуд эмаслиги сабабли мурожаатлар кўрмай қолдирилганлиги тўғрисида мурожаат қилувчи тегишли тартибда хабардор қилинади.

6.5.5. Мурожаатларни кўриб чиқиш кўйидаги ҳолларда тугатилади:

агар такрорий мурожаатлarda янги важлар ёки янгидан очилган ҳолатлар келтирилмаган бўлса, илгариги мурожаат материалларида эса текширувларнинг тўла-тўқис материаллари мавжуд бўлса ва мурожаат этувчига белгиланган тартибда жавоблар берилган бўлса;

агар мурожаат қилувчи ўз мурожаатини белгиланган тартибда чақириб олган бўлса ёки уни кўриб чиқиши тугатиш тўғрисида илтимос қилган бўлса;

яшаш жойи, турган жойи (почта манзили), электрон почта манзили ёки бошқа реквизитлари ўзгарганлиги тўғрисида ўз вақтида хабардор қилмаганлиги туфайли чақиришнинг имкони йўклиги сабабли мурожаатни мурожаат этувчининг иштирокисиз кўриб чиқиш имконияти бўлмаганди;

мурожаатни мурожаат этувчининг иштирокисиз кўриб чиқиш имконияти мавжуд эмаслиги сабабли, Банк раҳбарияти томонидан чақирилган мурожаат қилувчи келмай қолган тақдирда;

агар мурожаат қилувчи жисмоний шахс вафот этганидан сўнг мурожаатни кўриб чиқиш хуқуқий ворисликка йўл кўймаса.

6.5.6. Мурожаатни кўриб чиқиши тугатиш тўғрисидаги карорни Банк раҳбарияти қабул қиласи.

Такрорий мурожаатни кўриб чиқиш ушбу Тартибининг 6.5.5.-банд иккинчи хатбошисига мувофиқ тугатилганда, мурожаат этувчи такрорий мурожаатнинг асоссизлиги ва ушбу масала юзасидан у билан ёзишмалар тугатилиши тўғрисида ёзма равишда хабардор қилинади. Ёзишмалар олиб бориш тугатилган мурожаат этувчидан такрорий мурожаат келиб тушган тақдирда, бундай мурожаатни кўриб чиқиш мурожаат этувчини бу ҳақда хабардор килмасдан тугатилади.

Нашр №1

Тасдиқланди: 22 / 01 / 2020

Амал килади: 21 / 01 / 2025

бет 12

Мурожаатни кўриб чиқиш уни чақириб олиш тўғрисидаги ариза бўйича тугатилганда мурожаат мурожаат этувчига Банк раҳбариятининг хати билан бирга уч кун ичида қайтарилади. Мурожаатни чақириб олиш тўғрисидаги ариза қонунчилик талаблари бузилишларини аниқлаш ва бартараф этиш юзасидан чора-тадбирлар кўрилишини истисно этмайди.

Мурожаат этувчи чақирилган жисмоний шахснинг ёки юридик шахс вакилининг келмай қолганлиги сабабли мурожаатни кўриб чиқиши тугатиш тўғрисида тегишли тартибда хабардор қилинади.

6.6. Жисмоний шахсларни ва юридик шахсларнинг вакилларини қабул қилишни ташкил этиш

6.6.1. Банк раҳбарияти томонидан жисмоний шахсларни ва юридик шахсларнинг вакилларини қабул қилиш ташкил этилади.

Банк раҳбарияти томонидан жисмоний шахсларнинг ва юридик шахслар вакилларининг сайёр шахсий қабуллари, шунингдек оммавий қабуллар ташкил этилиши мумкин.

6.6.2. Банкда жисмоний шахсларни ва юридик шахсларнинг вакилларини қабул қилиш белгиланган кун ва соатларда, қабул қилиш жадвалига мувофиқ ўтказилади.

Қабул қилиш жадвали ва уни ўтказиш вақти, жойи ҳамда қабулга олдиндан ёзилиш тўғрисидаги ахборот, қабул қилиш тартиби уларни Банкнинг расмий веб-сайтида эълон қилинади, шунингдек маъмурий бинода ҳамма кириши мумкин бўлган жойлардаги стендларга ёки бошқа техник воситаларга жойлаштириш орқали манфаатдор шахслар эътиборига етказилиши мумкин.

6.6.3. Банкда жисмоний шахсларни ва юридик шахсларнинг вакилларини қабул қилиш учун алоҳида хона ажратилади.

Шахсий қабул давомида Банк раҳбариятининг қарорига кўра ва мурожаат этувчига бу ҳақда хабар берган ҳолда маҳсус техника воситалари (аудио- ва видеоёзув, шунингдек фотосуратга олиш) кўлланилиши мумкин.

6.6.4. Оғзаки мурожаатлар билан келган жисмоний шахслар ва юридик шахсларнинг вакиллари тегишли таркибий бўлинма раҳбари ёхуд бошқа масъул ходим томонидан қабул қилинади.

Мурожаат этувчининг шахсини тасдиқлайдиган хужжатлар текширилгандан кейин ушбу Тартибнинг 2 – иловасига мувофиқ шакл бўйича Жисмоний ва юридик шахсларнинг мурожаатларини қайд этиш карточкаси тўлдирилади. Жисмоний ва юридик шахсларнинг мурожаатларини қайд этиш карточкаси оғзаки мурожаат сифатида рўйхатга олинади.

6.6.5. Жисмоний шахс оғзаки мурожаат этаётганда ўз шахсини тасдиқловчи хужжатни, юридик шахснинг вакили эса ўз ваколатларини тасдиқлайдиган ва ўз шахсини тасдиқловчи хужжатни кўрсатиши керак, оммавий қабул вақтида келиб тушган мурожаатлар бундан мустасно.

Оғзаки мурожаатлар реал вақт режимида ахборот-коммуникация технологияларидан фойдаланган ҳолда, шу жумладан Банкнинг “Ишонч телефони” орқали ва видеоконференцалоқа воситасида ҳам берилиши мумкин.

6.6.6. Бўлим қабулга келган жисмоний шахсларни ва юридик шахсларнинг вакилларини қабул қилишни, шунингдек жисмоний шахсларни ва юридик шахсларнинг вакилларини қабул қилиш билан боғлиқ ишларни ташкил этади.

6.6.7. Банкда жисмоний шахсларни ва юридик шахсларнинг вакилларини қабул қилиш бўлим ёки тегишли бўлинма ходимлари иштирокида амалга оширилади.

6.6.8. Жисмоний шахсларни ва юридик шахсларнинг вакилларини қабул қилувчи

Нашр №1

Тасдиқланди: 22/01/2020

Амал килади: 21/01/2025

бет 13

раҳбар ёки ваколатли шахснинг кўрсатмаси бўйича Банкнинг тегишли бўлинма ходимлари ҳам қабул қилиш жараёнига жалб этилиши мумкин.

6.6.9. Агар жисмоний шахсларни ва юридик шахсларнинг вакилларини шахсан қабул қилиш пайтида мурожаатда баён қилинган масалаларни ҳал этиш Банк раҳбариятининг ваколатига кирмаслиги аниқланган тақдирда, уларга мурожаатда баён қилинган масалаларни ҳал этиш учун қайси органга ёки ташкилотга мурожаат қилиш кераклиги тушунтирилади. Бунда жисмоний шахсларнинг ва юридик шахслар вакилларининг талаби билан бу ҳақда ёзма шаклда жавоб берилади.

6.6.10. Жисмоний шахсларнинг ва юридик шахслар вакилларининг сайёр шахсий қабуллари, шунингдек оммавий қабуллар, зарур бўлган ҳолларда, қабул қилиш жадвалларидан ташқари ўтказилиши мумкин. Оммавий қабул ҳовлиларга (квартиralарга), бошқа биноларга ва жойларга бирма-бир кириб чиқиш орқали ҳам ўтказилиши мумкин.

6.6.11. Жисмоний шахслар ва юридик шахслар вакилларининг сайёр шахсий қабуллар вақтида берилган оғзаки мурожаатлари ушбу Тартибнинг 6.4.11.-бандига мувофиқ расмийлаштирилади ва рўйхатга олинади ҳамда белгиланган тартибда кўриб чиқилади.

6.6.12. Оммавий қабуллар вақтида Банк раҳбариятига ва/ёки ваколат берилган бошқа мансабдор шахсига келиб тушган ва жойида ҳал этилган оғзаки мурожаатларга ёзма жавоб ёки электрон шаклдаги жавоб талаб этилмайди.

6.7. Жисмоний шахслар ва юридик шахсларнинг вакилларини видеоконференцалоқа воситасида қабул қилишни ташкил этиш

6.7.1. Жисмоний шахслар ва юридик шахсларнинг вакили Банк раҳбариятига ёхуд уларнинг мансабдор шахсларга видеоконференцалоқа воситасида мурожаат бериши, олдиндан тасдиқланган маҳсус ахборот-коммуникация технологияларни қўллаган ҳолда видеоконференцалоқа жадвал орқали амалга оширилади.

6.7.2. Бунинг учун мурожаат этувчи Банкка белгиланган тартибдаги талабнома билан мурожаат килади. Ариза электрон шаклда берилиши мумкин.

Талабномада куйидагилар кўрсатилиши керак:

жисмоний шахс учун – мурожат этувчининг фамилияси (исми, отасининг исми), унинг яшаш жойи тўғрисидаги маълумотлар

юридик шахснинг тўлик номи, унинг жойлашган ери (почта манзили) тўғрисидаги маълумотлар;

электрон почта манзили;

алоқа телефон ва/ёки факснинг рақами;

видеоконференцалоқа ўтказишга қулай сана ва вақти;

мурожаат тили;

мурожаатнинг қисқача мазмуни.

Мурожаат этувчиларнинг вакиллари орқали берилган мурожаатларга уларнинг ваколатларини тасдиқловчи хужжатлар илова қилинади.

6.7.3. Видеоконференцалоқа орқали келиб тушган мурожаатлар келиб тушган пайтидан бошлаб бир иш кунидан кечикмай бўлим томонидан рўйхатга олиниши ва Банк раҳбарига киритилиши керак.

6.7.4. Банк раҳбарияти, талабномани кўриб чиқиб, видеоконференцалоқа орқали қўриб чиқиш ёки кўриб чиқиша рад этиш хақида қарор қабул қиласи.

Қабул қилинган қарор, видеоконференцалоқа орқали мурожаатни кўриб чиқиш вақти ва жойи ҳақида Банк жисмоний ва юридик шахсларни белгиланган тартибда огоҳлантиради.

6.7.4. Videokonferençaloka орқали мурожаатни қабул қилиш жадвали ўзгарган тақдирда, бўлим олдиндан (электрон почта, алоқа телефон ва/ёки факс рақамлари, почта ва бошқалар) орқали огоҳлантирилади.

Нашр №1

Тасдиқланган: 22/01/2020

Амал қилади: 21/01/2025

бет 14

6.7.5. Видеоконференцалоқа орқали келиб тушган мурожаатлар оғзаки мурожаат сифатида мазкур Тартибда белгиланган тартибда қайд этилади, рўйхатга олинади ва кўриб чиқилади.

6.8. Жисмоний ва юридик шахсларнинг ҳуқуқлари

6.8.1. Мурожаатлар Банк томонидан кўриб чиқилаётганда жисмоний ва юридик шахслар қўйидаги ҳуқуқларга эга:

мурожаатни кўриб чиқишининг бориши тўғрисида ахборот олиш;

важларни шахсан баён этиш ва тушунтиришлар бериш;

мурожаатни текшириш материаллари ва уни кўриб чиқиш натижалари билан танишиш;

қўшимча материаллар тақдим этиш ёки бундай материалларни бошқа органлардан талаб қилиб олиш тўғрисида илтимос қилиш;

адвокат ёрдамидан фойдаланиш;

мурожаатни кўриб чиқиши тутатиш тўғрисида ёхуд мурожаатга жавобни тушунтириш ва (ёки) уни тузатиш тўғрисида илтимос қилиш;

ўз мурожаатини у кўриб чиқилгунига қадар ва кўриб чиқилаётган пайтда мурожаат бўйича қарор қабул қилингунига қадар ёзма ёки электрон шаклда ариза бериш йўли билан чакириб олиш;

мурожаатни қабул қилишни ёки кўриб чиқиши қонунга хилоф равишда рад этганлик устидан бўйсунув тартибида юқори турувчи органга ёки бевосита судга шикоят қилиш.

Жисмоний ва юридик шахслар қонун ҳужжатларига мувофиқ бошқа ҳуқуқларга ҳам эга бўлиши мумкин.

6.8.2. Банк томонидан жисмоний ва юридик шахслар мурожаатларни кўриб чиқиша, ўзларининг хатти-ҳаракатлари билан бошқа жисмоний ва юридик шахсларнинг ҳуқуқларини, эркинликларини ҳамда қонуний манфаатларини, шунингдек жамият ва давлат манфаатларини бузмаслиги керак.

6.9. Мурожаатларнинг кўриб чиқишида Банкнинг ҳуқуқ ва эркинликлари

6.9.1. Мурожаатларни кўриб чиқишида Банк қўйидаги ҳуқуқларга эга:

мурожаатни кўриб чиқиш учун зарур бўлган ахборотни белгиланган тартибда сўраш ва олиш;

мурожаат этувчи ёки унинг вакилини улар йўклигига мурожаатни кўриб чиқиш мумкин бўлмаганда ёхуд мурожаатни эшлиши учун чакириш;

била туриб ёлғон маълумотлар кўрсатилган мурожаатни текшириш сабабли етказилган ҳаражатларнинг ўрнини қоплаш тўғрисида судга мурожаат қилиш.

Банк қонун ҳужжатларига мувофиқ бошқа ҳуқуқларга ҳам эга бўлиши мумкин.

6.9.2. Банк:

мурожаатлар тўғрисидаги қонун ҳужжатлари талабларига риоя этиши;

мурожаат қилувчига унинг ҳуқуқлари, эркинликлари ва қонуний манфаатларига дахлдор ҳужжатлар, қарорлар ва бошқа материаллар билан танишиб чиқиш имкониятини, агар улар давлат сири ёки қонун билан кўрикланадиган бошқа сир бўлган маълумотларни ўз ичига олмаса, жисмоний ва юридик шахсларнинг ҳуқуқлари, эркинликлари ва қонуний манфаатларига, жамият ва давлат манфаатларига заарар етказмаса, таъминлаши;

мурожаат этувчига кўриб чиқиш натижалари ҳамда қабул қилинган қарор ҳакида мурожаат кўриб чиқилганидан сўнг ёзма ёхуд электрон шаклда дархол хабар қилиши, оммавий қабуллар вақтида тушган ва жойида ҳал қилинган оғзаки мурожаатлар бундан мустасно;

Нашр №1

Тасдиқланди: 22 / 01 / 2020

Амал килади: 21 / 01 / 2025

бет 15

мурожаат юзасидан қабул қилинган қарор устидан, агар жисмоний ёки юридик шахс ушбу қарорга рози бўлмаса, шикоят бериш тартибини тушунтириши;

мурожаатни кўриб чиқиши натижаларига кўра қабул қилинган қарорнинг ижросини назорат килиши;

қонунга хилоф ҳаракатларни (ҳаракатсизликни) бартараф этиш юзасидан дархол чора-тадбирлар кўриши, жисмоний ва юридик шахсларнинг хукуқлари, эркинликлари ва қонуний манфаатлари бузилишини келтириб чиқарувчи сабаблар ва шароитларни ўз ваколатлари доирасида аниқлаши;

жисмоний шахс, унинг вакили, уларнинг оила аъзолари, юридик шахс, унинг вакили ва юридик шахс вакилининг оила аъзолари уларнинг мурожаатлари сабабли таъкиб этилишини белгиланган тартибда бартараф этиши;

агар жисмоний ёки юридик шахсга унинг хукуқлари, эркинликлари ҳамда қонуний манфаатлари бузилиши натижасида моддий зарап ёки маънавий зиён етказилган бўлса, қонунда белгиланган тартибда моддий зарапнинг ўрнини қоплаш ёки маънавий зиённи компенсация қилиш чораларини кўриши шарт.

Банк қонун ҳужжатларига мувофиқ бошқа хукуқларга ҳам эга бўлиши мумкин.

6.10. Мурожаатларнинг кўриб чиқилишини мониторинг ва назорат қилиш, умумлаштириш ва таҳлил қилиш

6.10.1. Бўлим раҳбари томонидан мурожаатларнинг кўриб чиқилиши устидан доимий мониторинг ва назоратни амалга оширади, уларнинг тўлиқ, холисона ва ўз вактида кўриб чиқилишини таъминлаш чораларини кўради.

6.10.2. Мурожаат у кайси раҳбар ёки ваколат берилган бошқа мансабдор шахс томонидан назоратга олинган бўлса, ўша шахс томонидан назоратдан ва ижродан олинади.

Оралиқ жавоблар берилган ва тўлиқ кўриб чиқилмаган мурожаатлар назоратдан олинмайди.

6.10.3. Бўлим келиб тушган, кўриб чиқилган, қаноатлантирилган, қаноатлантирилмаган, кўриб чиқилмаган мурожаатларнинг, шунингдек бошқа маълумотларнинг статистик ҳисобини юритади.

Бўлим жисмоний ва юридик шахсларнинг хукуқлари, эркинликлари ва қонуний манфаатлари, шунингдек жамият ва давлатнинг манфаатлари бузилишини келтириб чиқарувчи сабабларни аниқлаш ва бартараф этиш мақсадида ҳар чоракда мурожаатларни умумлаштириш ва таҳлил қилишни таъминлади.

Мурожаатларни умумлаштириш ва таҳлил қилиш натижаларига кўра мурожаатлар билан ишлаш тузилмалар ёки тегишли таркибий бўлинмалар томонидан мурожаатлар билан ишлашнинг умумий кўрсаткичлари, мурожаатларда тез-тез кўтарилиган масалалар, мурожаатларни кўриб чиқиш якунлари бўйича аниқланган асосий камчиликлар ва қоидабузарликлар, жисмоний ва юридик шахсларнинг хукуқлари, эркинликлари ва қонуний манфаатлари, шунингдек жамият ва давлат манфаатлари бузилишини келтириб чиқарувчи сабабларни бартараф этиш мақсадида кўрилган чоралар акс эттирилган маълумотномалар (шархлар) тузилади ҳамда давлат органи раҳбарига давлат органи, ташкилотида мурожаатларни кўриб чиқишнинг қонунийлигини таъминлаш ва самарадорлигини ошириш, жисмоний ва юридик шахсларнинг хукуқлари, эркинликлари ва қонуний манфаатлари, шунингдек жамият ва давлатнинг манфаатлари бузилишини келтириб чиқарувчи сабабларни бартараф этиш, қонун ҳужжатларини такомиллаштириш юзасидан таклифлар киритади.

Мурожаатларни умумлаштириш ва таҳлил қилиш натижаларига кўра тузилган маълумотномалар (шархлар) Банкнинг расмий веб-сайтларида эълон қилинади.

Нашр №1

Тасдиқланган: 22/01/2020

Амал килади: 21/01/2025 бет 16

7. Сакланниши

7.1. Ушбу Тартиб банк Юридик департаментининг методология бўлимида T17-62-рақами билан сакланади.

7.2. Тартибнинг электрон нусхаси хизматда фойдаланиш учун PDF форматда банкнинг умумий серверида сакланади.

7.3. Тартибнинг DOCX форматдаги электрон нусхаси банк Юридик департаментида сакланади.

8. Хуноса

8.1. Мазкур Тартиб белгиланган тартибда банк Бошқаруви томонидан тасдиқланган санадан бошлаб кучга киради.

Нашр №1

Тасдикланди: 22/01/2020


Амал қилади: 21/01/2025

бет 17

9. Илова

Тартибга 1-илова

**АТБ «InFinBank»да жисмоний ва юридик шахсларнинг
муружаатлари билан ишлаш бўлими ёки масъул ходими
СХЕМАСИ**



Нашр №1

Тасдиқланди: 22/01/2020

Амал қилади: 21/01/2025

бет 18

Низомга 2-илова

(Олд томони)

**ЖИСМОНИЙ ВА ЮРИДИК ШАХСЛАРНИНГ
МУРОЖААТЛАРИНИ ҚАЙД ЭТИШ КАРТОЧКАСИ**

Тартиб рақами:	Савол:
Мурожаат этувчи:	
Манзили:	
Мурожаат келиб тушган сана:	Мурожаат қилувчилар сони:
Мурожаатнинг шакли:	
Қабул шакли:	Дубликат/такрорий
Мурожаатнинг тури:	
Назорат тури:	
Мурожаатнинг кисқача мазмуни:	
Резолюцияни (топширикни) имзолаган раҳбар:	
Раҳбарнинг резолюцияси (топшириғи):	
Таркибий бўлинма:	
Бажариш муддати:	
Ижрочи:	

(Орка томони)

Мурожаатларни кўриб чиқишнинг ҳолати		
Юборилган сана	Қаерга юборилган	Жавоб хатининг рақами ва санаси
Муддати узайтирилган:		Ким томонидан: (имзо)
Жавоб хати келган сана:		
Кўриб чиқиш натижаларининг кисқача мазмуни:		
Назоратдан олинди (ким томонидан): Сана:		Бажарувчининг имзоси: Бажарилган сана:
Мурожаатни кўриб чиқиш муддати бузилганлиги хақидаги белги:		

Нашр №1

Тасдикланди: 22/01/2020

Амал қилади: 21/01/2025

бет 19

Тартибга З-илова

№	Рўйхатга олинган рақам	Рўйхатга олинган сана	Мурожаат тури	Мурожаат этувчининг исми шарифи	Манзили ва телефон рақами	Шахси	Хужжат қайси идорадан келиб тушган

Мурожаатнинг қисқача мазмуни	Ижро этувчи таркибий бўлинма ва ижрочининг Ф.И.Ш	Дубликат ёки тақорорий	Ижро муддати	Ижро этилган сана	Натижаси	Қандай ижро этилди

10. Тарқатиш

Департамент, филиалларга тарқатиладиган хужжатлар рўйхати		Тўлдирилган сана <u>“22” 01 2020</u> йил
ПСК № 62	Нашр №1	Амалга киритиш санаси: <u>“22” 01 2020</u> йил
Тарқатиладиган хужжатнинг номи		АТБ “InFinBank” НИНГ ЖИСМОНИЙ ВА ЮРИДИК ШАХСЛАРНИНГ МУРОЖААТЛАРИ БИЛАН ИШЛАШ ТЎҒРИСИДАГИ ТАРТИБ
№		Департамент, филиал номи / хужжат юборилаётган мансабдор шахс
1		
2		
3		
4		
5		
6		
7		
8		
9		
10		
11		
Ишлаб чиқувчи имзоси		Методология бўлим бошлиги
	(имзо)	
		(имзо)

Нашр №1 Тасдиқланди: / /20 Амал қилади: / /20 бет 20

КЕЛИШИЛДИ:

Нуманова О.Л.

Ф.И.Ш.

«___» 2020 й.
имзо

Хожиев Д.М.

Ф.И.Ш.

«___» 2020 й.
имзо

Салимов П.Т.

Ф.И.Ш.

«___» 2020 й.
имзо

Джураев Б.С.

Ф.И.Ш.

«___» 2020 й.
имзо

Жиянов Ф.Э.

Ф.И.Ш.

«___» 2020 й.
имзо

Тошпулатхужаев Ж.О.

Ф.И.Ш.

«___» 2020 й.
имзо

Сабуров А.Р.

Ф.И.Ш.

«___» 2020 й.
имзо

Режаматов А.У.

Ф.И.Ш.

«___» 2020 й.
имзо

Хужжатнинг амал қилиш мурдати:

22 "01" 2020 йилдан 21 "01" 2025 йилгача

Узайтирилди "___" 20 ___ йилгача

Амал қилиш мурдати тугашидаги ўрни _____

сана

Хужжатни бошқаришда жавобгар шахснинг имзоси

ИШЛАБ ЧИҚИЛДИ:

Котибият департаменти
директори в.в.б.

мансиби

Н.Б. Атамирзаева

Ф.И.Ш.

имзо

сана

Нусха № ____
Юбориш санаси «22 » 01 2020 йил

(Тарқатиш вақтида хужжатни бошқаришда
жавобгар шахснинг асл имзоси)